



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-11-40396-9/20 BT
Sarajevo, 07.12.2020.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), te Preporuke Komisije u postupku javne nabavke pod nazivom „Nabavka materijala za štampanje beskontaktnih kartica za projekat „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“ br: 04-11-40396-8/20 od 07.12.2020.godine, Ministar saobraćaja Kantona Sarajevo d o n o s i:

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za nabavku u postupku javne nabavke: „Nabavka materijala za štampanje beskontaktnih kartica za projekat „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“, te ugovor dodjeljuje ponuđaču **BS Telecom Solutions d.o.o. Sarajevo** prema dostavljenoj ponudi br: 04-11-45820 od 17.11.2020. godine u ukupnoj vrijednosti od **175.500,00 KM sa PDV-om.**

Član 2.

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač nije dužan dostaviti dokaze o kvalificiranosti obzirom da su isti dostavljeni u ponudi.

Član 3.

Ova Odluka objavit će se na web stranici ugovornog organa [www:http:ms.ks.gov.ba](http://ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-11-40396/20 BT od 20.10.2020. godine – „Nabavka materijala za štampanje beskontaktnih kartica za projekat „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“. Javna nabavka je provedena putem postupka: Otvoreni postupak. Vrijednost javne nabavke bez PDV-a iznosi 150.000,00 KM. Za predmetnu nabavku objavljeno je



obavještenje o nabavci na portalu javnih nabavki pod brojem 1242-1-1-23-3-21/20 dana 20.10.2020. godine u 15:34h.

Rok za dostavu ponuda bio je 17.11.2020. godine do 11,00 sati.

Za navedenu nabavku u predviđenom roku i uredno zatvorenim kovertama, dostavljena je ponuda ponuđača:

- **Konzorcij 4U d.o.o. Tuzla i Komitex d.o.o. Bugarska**
- **BS Telecom Solutions d.o.o. Sarajevo**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-11-40396-5/20 BT od 12.11.2020.godine provela je proceduru nabavke, obavila javno otvaranje ponuda, sačinila i dostavila Zapisnik otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, te utvrdila:

- da je ukupan broj pristiglih ponuda dva (2)
- da su blagovremeno zaprimljene dvije (2) ponude
- da nema neblagovremeno zaprimljenih ponuda

Komisija je sačinila Zapisnik o pregledu i ocjeni ponuda broj: 04-11-43096-8/20 od 01.12.2020. godine i u istom je utvrđeno:

- da je ponuđač Konzorcij 4U d.o.o. Tuzla i Komitex d.o.o. Bugarska dostavio ponudu br: 04-11-45733 u omotnici koja je ispravno zatvorena, zapečaćena i potpisana, međutim nije ispunio uslov iz tenderske – tehnička i profesionalna sposobnost:

A)Ponuđač je dužan da u skladu sa članom 49. tačka a) obezbjediti dokaze da je u posljednje tri godine (2017., 2018. i 2019.) ili od dana registracije, odnosno početka poslovanja, ako je ponuđač registriran, odnosno počeo raditi prije manje od tri godine, imao uspješno realizovana jedan ili više ugovora od minimalno 150.000,00 KM sa PDV-om i više, a koji su u vezi sa predmetnom nabavkom (materijal za štampanje na printerima).

Dokaz o uredno izvršenim ugovorima podnosi se u skladu sa članom 48. stav 2. ZJN, u formi spiska izvršenih ugovora i uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima uz predočavanje dokaze o učinjenim pokušajima da se takve potvrde osiguraju.

Potvrda o uredno izvršenim ugovorima u skladu sa članom 48. stav 3. ZJN mora da sadrži slijedeće taksativno nabrojene podatke:

- Naziv i sjedište ugovornih strana ili privrednih subjekata;
- Predmeta ugovora;
- Vrijednost ugovora;
- Vrijeme i mjesto izvršenja ugovora;
- Navode o uredno izvršenim ugovorima.

Naime, ponuđač Konzorcij 4U d.o.o. Tuzla i Komitex d.o.o. Bugarska je na strani 76- 81 dostavio spisak izvršenih ugovora – Ugovarač „Centar za gradsku mobilnost“ EAD sa sjedištem u Sofiji- „ Dostava potrošnih materijala za štampače kartica za štampu karata za naplatu u javnom prevozu glavnog grada“, te zahtjev ugovarača i otpremnicu dobavljača Komitex d.o.o.Sofija, a što nije u skladu sa zahtjevima iz tenderske dokumentacije gdje je jasno naznačeno da se navedeni uslov dokazuje potvrdom izdatom od druge ugovorne strane te u skladu sa članom 48. stav (3) Zakona o javnim nabavkama mora da sadrži taksativno nabrojene



podatke: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenom ugovoru. Takođe, ponuđač je u ponudi dostavio garanciju za ozbiljnost ponude, međutim ista nije dostavljena u skladu sa zahtjevima iz tenderske dokumentacije, obzirom da na mjesto gdje je na vrhu zatvorena naljepnicom nije stavljen pečat ponuđača.

- da je ponuda ponuđača BS Telecom Solutions d.o.o. Sarajevo je prihvatljiva, dostavljeni su svi traženi dokazi propisani tenderskom dokumentacijom, na propisan način.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda koji čini sastavni dio ove odluke.

U skladu sa kriterijumom za dodjelu ugovora "najniža cijena", **ugovor se dodjeljuje ponuđaču BS Telecom Solutions d.o.o. Sarajevo u ukupnoj vrijednosti nabavke 175.500,00 KM (sa PDV-om).**

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 2.000,00 KM, u skladu sa članom 108. stav 1. tačka c) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



MINISTAR

Adi Kalem, Mr. dipl. ing. saob. i kom

Prilog:

1. - Zapisnik o pregledu i ocjeni ponuda broj: 04-11-40396-8/20 od 07.12.2020.godine sa svim priložima

Dostaviti:

1. 4U d.o.o. Tuzla
Ul.M.Maka Dizdara, Stupine B3 75000 Tuzla
2. BS Telecom Solutions d.o.o. Sarajevo
Ul. Branilaca Sarajeva 20, 71000 Sarajevo
3. Ministarstvo saobraćaja Kantona Sarajevo
4. evidenciji
5. a/a



